

CÉN FÁTH AR CHÓIR DUIT TEACHT ISTEACH SA GHARDA SÍOCHÁNA?

Agus machnamh á dhéanamh agat ar ghairm sa Gharra Síochána, is fiú eolas a fháil faoin tuarastal agus faoi na buntáistí a bhaineann leis an ról.



TEORAINN AOISE
D'IONTRÁLAITHE
MÉADAITHE GO DTÍ
50 BLIAIN
D'AOIS

OILIÚINT, FOGHLAIM AGUS FORBAIRT

- Mar Gharra faoi Oiliúint, comhlíonfaidh tú an **Clár Bunoiúna**, an clár oiliúna agus forbartha tosaigh, ina gclúdfar an oiliúint atá ag teastáil chun feidhmiú sa ról agus feidhmeanna an Gharra a chomhlíonadh ar bhealach éifeachtach agus éifeachtúil.
- Maidir leis an gclár, tá **Céim (Baitsiléir Ealaíon) ag Leibhéal 7 sa Phóilíneacht Fheidhmeach, atá creidiúnaithe ag Ollscoil Luimnigh**, i gceist, ina bhfuil trí chéim oiliúna.
- Nuair a chomhlíonann siad céim 1, deimhnítear Gardaí faoi Oiliúint mar bhaill den Gharra Síochána (cuirtear 'deimhniú' ar an bpróiseas seo) agus cuireann siad tús lena dtréimhse phromhaidh (dhá bhliain ó dháta an deimhnithe de ghnáth) de reir fhorálacha na Rialachán (Cead Isteach agus Ceapacháin).
- Cuirfear oiliúint sa bhreis ar fáil duit, bunaithe ar riachtanais do ról áirithe le linn do ghairme.

PÁ

- Tabharfar liúntas de **€354** sa tseachtain do Gardaí faoi Oiliúint le linn na tréimhse oiliúna (36 seachtaine).
- Cuirfear lóistín agus bia ar fáil agus iad i gColáiste an Gharra Síochána ón Domhnach go dtí an Aoine.
- Tar éis a ndeimhnithe ag 36 seachtaine, bíonn Gardaí faoi Thréimhse Promhaidh ina nGardaí agus bogann siad go dtí an chéad phointe den scála pá arb é **€39,194** é (Ón 1 Feabhra 2026), ag ardú de réir a chéile go **€60,333** in aghaidh na bliana tar éis 8 mbliana.
- Féadfar méaduithe breise a chur i bhfeidhm bunaithe ar cháilíochtaí oideachais (Céim) tar éis promhaidh.
- Sannfar Gardaí atá ar promhadh chun oibriú ar an bpríomh-uainchlár sealaióchta (12 uair an chloig), rud a mheallann **liúntais bhreise**.
- Beidh an deis ag na Gardaí oibriú ar ragobair, a íoctar ar ráta ama go leith, mura n-oibrítear ar an Domhnach/lá saoire poiblí, a íoctar ar ráta ama dúbailte.

SAOIRE BHLIANTÚIL/ SAOIRE BHREOITEACHTA

- Nuair a bhogann siad ar aghaidh ó chéim II (tar éis dóibh deimhniú a fháil), faigheann Gardaí faoi Oiliúint **29.5 lá saoire ar íocaíocht**, laethanta saoire poiblí agus Aoine an Chéasta san áireamh, agus teidlíocht pro rata do thréimhsí seirbhíse níos lú ná bliain amháin.
- Maidir le Gardaí ar dualgas oibríochta, glacfar leis gur gnáthlaethanta oibre iad laethanta saoire poiblí agus Aoine an Chéasta, ach amháin má shocraítear gur laethanta scithe iad ar an uainchlár.
- Beidh **roghanna oibre solúbtha** ar fáil le linn do ghairme (le cead ón lucht bainistíochta).
- Tar éis trí mhí d'oiliúint, is féidir **saoire bhreiteachta** a fháil a chlúdaíonn do liúntas oiliúna seachtainiúil iomlán do shuas le ceithre seachtaine. Baintear méid na sochar atá iníochta faoi na hAchtanna Leasa Shóisialaigh de na híocaíochtaí seo le linn na breiteachta.

BUNTÁISTÍ EILE

- **Pinsean/Scéim Fabhráithe Sciobtha do bhaill (faoi éide)** – ligeann sé seo duit sochair phinsin a fhabhrú ag ráta níos airde gach bliain.
- Tá neart **cumann agus clubanna** ann sa Gharra Síochána a chuireann gníomhaíochtaí fóillíochta sláintiúla chun cinn, lena n-áirítear clubanna spóirt a chuireann gréasán d'ionadaithe spóirt ar fáil.
- **Tacaíochtaí folláine cuimsitheacha agus rochtain ar an Scéim 'Dochtúirí de Rogha'** (clúdaíonn an Garda Síochána táille chomhairliúcháin an Dochtúra Ghinearálta).
- Rochtain ar **Chumainn Chreidmheasa an Gharra Síochána**.
- An Scéim um **Chúnamh Leighis**.
- **Saoire mháithreachais** ar íocaíocht.
- I ndiaidh dóibh deimhniú a fháil, cuirtear Gardaí ag obair in ionad, ag obair ar an **bPríomhuainchlár** – 4 lá ag obair/4 lá gan a bheith ar dualgas. Tá dhá sheal ag tosú ag 7r.n. agus ag críochnú ag 7i.n. agus, ansin, dhá sheal ag tosú ag 7i.n. agus ag críochnú ag 7r.n. i gceist sna huaireanta oibre.